



# Lateneur du preuilege.

**L**oys par la grace de dieu Roy

De france. Au preuost de paris Et a tous noz autres iusticiers et officiers ou a leurs lieutenans salut et dilection. Nostre cher et bien ayme Maistre Eloy d'Amerval nous a fait remonstrer que par cy deuant Il a fait et cōpose Vng beau liure lequel traicte de plusieurs plaisantes recreatiues et pfitables matieres touchāt la maniere de Viure en chascun estat. Leque liure est intitule la deablerie de eloy. En faisant et composant le quest liure ledit suppliant y a employe et Baque grande espace de temps fraye et despendu grāt partie de sa substance. Aceste cause tāt a fin de communiquer ledit liure a ceulx q̄ auront desir de le veoir et dy prouffiter que pour recouurer et retirer partie de ce q̄ luy a couste a faire et cōposer il seroit Souuentiers imprimer ledit liure luy seul et non autre insques a tel tēps q̄ nous plaira Si nostre plaisir estoit luy dōner cōge et licēce de ce faire. Et nostre grace et liberte sur ce luy impartir. Pour ce est il que nous les choses dessusdictes considerees inclinans libarallement a la supplicacion et requeste dudit suppliant. En faueur mesmemēt daucuns noz especiaulx seruiteurs qui pour ce nous ont suppliee. A icelluy suppliant pour ces causes et autres a ce nous mouuans. Auons donnee p̄mis et octroye donnons permettos et ottroyons de nostre grace especial par ces presentes. Conge et licence et permission quil puisse et luy loyse luy seul et non aultre faire imprimer ledit liure dussa declaree p̄ tel Imprimeur ou Libraire que bō luy seblera iusques a deuy ans entiers. A compter du iour et dacte de la presentacion de cesdictes presentes. Pour icelluy Vendre et deliurer a toute perōne q̄ aura desir et veoir de l'auoir. Sans ce que aucun aultre imprimeur le puisse faire imprimer en aucune maniere durāt ledit temps. Si Vo<sup>r</sup> mandōs et enoignōs et a chascun de Vo<sup>r</sup> sicomme a luy apartiendra Que en ce faisant ledit suppliant iour et Vser de noz presentes grace conge licence permission et octroy et de tout le cōtenu en cesdictes presentes Vous faictes ou faictes faire expresses inhibicions et deffences de p̄ nous sur grans peines a nous a appliquer A tous Libraires Imprimeurs et autres q̄ appartendra soit de nostre Ville de paris ou dailieurs quilz nayent a imprimer ou faire imprimer ledit liure durant ledit tēps sans le conge et consentement dudit suppliant. Et ce sur peine de confiscacion de ce q̄ en seroit trouue en leur possession. Car ainsi nous plaist il estre fait. Nonobstāt quelzconques ordonnances mandemens rescriptions ou deffenses a ce contraires. Donne a Bloys Le xxix. iour de ianvier. Lan de grace mil cinq cens et sept. Et de nostre regne le dixiesme. Ainsi signe.  
Par le conseil. De sauzaay.

